

⁷ na waa yela daa ban de yee o balanwo te dde naa diyem ne ke fefo wee ken de Gbenjyoo Yesu na o kpilala ban be dana donj te boalanj gyae ke kilisiwo lee adido kon ne.

⁸ Wurubuarɛ waa wonj balan ban boɔ gyen e ya, te be ta mo de Gbenjyoo Yesu nyeedon nombia njan yee kolo ya ne denjele.

⁹ Waa wonj mena balan benan denjele, na baa naa diyem kekpaakekpa. Ken kpuɛ bela yena nyi, waa lese wo lee de Gbenjyoo Yesu na o gyoori dinaa ken man.

¹⁰ Deban kenan man ken waa bese kon ne, o balan ban Wurubuarɛ be baake wo te o be desina wo see fa o wose ne baa lese o yele adido, na ban pou boɔ lee e di ne ke kelee e. Emɛɛ mo e ke kpu na wo, nawolo nyi e lee nombia njan doɔ yako non ne di.

¹¹ Lee mena nombia kenja doɔ te dde fane fa non deban kamase ne. Dde sola Wurubuarɛ nyi waa yela e ke kaboena o kebaake ken o be baake non ne, na waa fa non don na e ka mo toole nombia kpaakpa njan pou e ne gyae e ke yee ne. Na e ke tale yee tom ken e ne yee ne kelii oto lee mena ken e ne lee e di ne doɔ.

¹² De kon mena na, de Gbenjyoo Yesu yele gyae ka koro adido. Balan baa naa o gyoori ken, te Yesu doɔ emɛɛ mo e yele gyae ka lee. Lee de kya Wurubuarɛ, na de Gbenjyoo Yesu Kristo berɛ ken boɔ mo boele non doɔ, baa yela kekɔn mena.

2

¹ Me tebia, lee de Gbenjyoo Yesu Kristo

kabese kɔŋ na mena keŋ waa yilaa de popou mena wee kenan̄ nɛ man nombia yaa mɛɛ gyae maa lese wola ŋon nideli nɛ.

² Balan̄ baale dɔŋ bɛɛ yako nyiaa, de Gben̄gyoo Yesu tan̄ ke kɔŋ. Mena dɔɔ dɛɛ sola ŋon bo nyi, ɛ na yele mena nombia keŋa ke yela ɛ wɔɛ kelo ŋon ya. Nnɛ balan̄ baale te di dekara nyi daa kpa Wurubuarɛ felin̄ ŋon yako na daa nombia keŋa te daa mɔ kaa yako ŋon yaa daa gbagba yako na ŋon nombia keŋa yaa daa gbagba ŋmarase na tɔne yelee ŋon nyi Yesu tan̄ ke kɔŋ.

³ ɛ na yeli ŋolo ka beo ŋon lee gbɛɛ kamase man ya. Nawolo nyi pɛna wee dinaa kenan̄ kekɔŋ na, balan̄ baa koro sen̄ tia Wurubuarɛ. Mena ke te baa lese walan̄ ŋon ɔ bee di mmaraase dɔɔ ya nɛ debɔɔ pɛna wee kenan̄ kelii. Ŋon yena walan̄kum ŋon boalan̄ man te waa doo kekpaakekpaa nɛ.

⁴ Waa gyina ɔ wose adido, na waa koro sen̄ tia Wurubuarɛ na kpene kamase keŋ balan̄ na som nɛ. Waa kaa kyaa Wurubuarɛ ɔsom deni dinaa keŋ man, na waa yako nyi ŋon yena Wurubuarɛ.

⁵ ɛ bɛɛ tɔɔse nyi deban̄ keŋ me kyaa ɛ gyan na, mɛɛ kyaa yako ŋon mena nombia keŋa yee?

⁶ Mɔna nɛnɛɛ ɛ gyen̄ kpene keŋ be kyan̄ e dɔɔse dɔɔ te ɔ te kɔŋa ta ya. Deban̄ keŋ Wurubuarɛ ba see e nyi waa kɔŋ nɛ de lii na, waa kɔŋ.

⁷ Balan̄ tan̄ ke fiasɛɛ bɛɛ lee Wurubuarɛ wole yɛɛ nombiakumɛɛ weese. Mɔna pɛna nombii keŋ mɔɔ yako ŋon nyi gyae kekɔŋ nɛ ke kɔŋ na,

kaboena nyi Wurubuare waa lese walaŋ ŋon ɔ ne to ke gbɛɛ nɛ.

⁸ Kenan wole na te baa lese walaŋ ŋon ɔ bee di mmaraase dɔɔ ya nɛ debɔɔ. De Gbenɣyoo Yesu nɔɔman weesɛɛ te waa mo feefu e ko, na waa mo ɔ gyoorobiiri kenalakee ken wolɛɛ e kekpaakekpaa.

⁹ Walaŋ ŋon ɔ bee di mmaraase dɔɔ ya na, waa mo ɔbɔnsam doŋ bo kɔŋ. Waa kaa beo yɛɛ gyakolonɔ nombia na nombia dinaana burum.

¹⁰ Waa mo nombiakumɛɛ kamase beo ban pou baa yen leki nɛ. Baa yen leki kekpaawolo nyi ba te bɛɛ nyi bɔɔ lɛɛ nombia ŋan ŋe doo na ŋe gbɛɛ, ŋan gyae ke yela Wurubuare ke lɛɛ ba nyee nɛ do ya.

¹¹ Lee mena dɔɔ Wurubuare te yeli akereɛ nombia te kaa gyoo be man, te akereɛ nombia ŋaagen te bɛɛ lɛɛ di.

¹² Mena dɔɔ Wurubuare waa bu balan ban pou ba te lɛɛ anokoare nombia ŋan di ya, te bɛɛ gyae akereɛ nombia bo nɛ fɔɔ.

¹³ Mɔna emɛɛ de tebia ban de Gbenɣyoo Yesu ne gyae ŋon nɛ dɔɔ, kaboena nyi deban kamase na dɛɛ fane fa Wurubuare karan lee ɛ dɔɔ. Nawolo nyi Wurubuare wulaa lese ŋon see leenan kewalan ken nyi waa lɛɛ ɛ nyee. Wurubuare tɛwɔ ɔ felin ŋon doŋ man te ɔ desina ŋon see, nawolo nyi ɛ lɛɛ nombia ŋan ŋe doo na ŋe gbɛɛ nɛ di.

¹⁴ Ŋon Wurubuare tɛɛ la nyeedon nombia ŋan dɛɛ yako nɛ dɔɔ baake ŋon kɔŋ nyeedon kei man, na ɛ ke nyin gbɛɛ gyoo de Gbenɣyoo Yesu Kristo gyoori ken man.

15 De tebia, lee mena dɔɔ ε sen kenken na ε ke kyan de nombia njan dεε wola non nε, na njan dee kolosi fa non nε, na njan dɔɔ nmarase yelee non nε man nideli.

16 De kya Wurubuare ne gyae daa, te ɔ tεεwɔ ɔ bεrεε ken dɔɔ do daa kakyen kekpaakekpa, te ɔ faa daa loo kegyakaa kpaakpaate. Dεε solo nyi de Gbenjyoo Yesu Kristo gbagba na de kya Wurubuare,

17 baa do non kakyen na baa fa non don na ε ke tale yεε abɔɔ kpaakpa lee ε kekolosi na ya abɔɔ ayεesa pou man.

3

1 De tebia, nombia njan be kaa mεε gyae maa yako non yena nyi ε fane fa daa, na de Gbenjyoo Yesu nombia njan ke nyin gbεε yaasee bilenbilen na balan ke lee na di obuo man ngba mena ken ε be lee na di obuo man nε.

2 ε bese fane nyi Wurubuare waa lese daa lee nombiakumεε na balan kumεε nyinmaa man, nawolo nyi na balan pou lee na Wurubuare di ya.

3 Wurubuare yεε walan non ɔ ne di ɔ nombia dɔɔ, mena dɔɔ waa do non don na waa keε ε dɔɔ ken nyi ε ba gyoo walanƙum non nyinmaa man ya.

4 Dεε lee di lee de Gbenjyoo Yesu yele man nyi ε ne yεε nombia njan dɔɔ wola non nε. Te dεε lee di mɔ nyi ε ke yεε mena kelii ɔto.

5 Dεε sola de Gbenjyoo nyi waa desina ε konɔɔse na ε ka gyen kegyae ken Wurubuare ne gyae non nε, na ε ke nyin konɔɔ sen kayeyεε

man ηgba mena kenj Kristo mo be nyinj konoo senj ne.

⁶ De tebia, dεε faree ηon lee Yesu Kristo yele man nyiaa, Kristobaale kamase ηon o yεε kebɔnɔlete e te o nombia ayεesa mo bεε kyaa na nombia ηan doo wola ηon ya ne, ε wɔη ε wose lee mena walaη ηonan man.

⁷ Emεε gbagba ε gyeη mena kenj kaboena nyi yaa kasee daa, nawolo nyi debaη kenj de kyaa ε gyaη ne da te yεε kebɔnɔle ya.

⁸ Mena mo te de te di ηolo weenε yakaa kenj nyi da te to e kom ya. Mona de yase de sia kyan da wose yεε tom nideli nelim na ka weese, na doo nyinj bese kasolo ε man ηolo doo ya.

⁹ Ka te yεε nyi gbεε be doo kenj nyi dεε lee kolo lee ε gyaη bo doo te de yεε tom mena ya, mona de yεε mena na kabese kolo kekasee fa ηon na ε ke nyinj kasee daa.

¹⁰ Debaη kenj de kyaa ε gyaη koran na de faa ηon mmaraa nyiaa, "Nyi akpaa ηolo bεε gyae nyi waa yεε tom ya ne, tekaboena nyi waa di ya."

¹¹ De te nyii nyi ε man balaη baale doηεε kenj boo ne yεε tom daale ya. Be doη bo bεε do be noose balaη nombia man.

¹² Mena doo dεε faree mena balaη benaη te dεε do wo kakyeη de Gbenjgyoo Yesu Kristo yele man nyiaa, baa tisi kyaa ba mokoo doo na baa yεε tom na baa nyinj kolo do be nooman.

¹³ De tebia, emεε doo ε na yela nombia kpaakpaa keyεε ke takaa ηon ya.

¹⁴ Akpaa ηolo te di de nombia ηan doo tone kei man doo ya ne, ε mo ε sia gyakaa o doo na ε

ke wɔŋ ɛ wose lee ɔ man, na desɛŋ kenying kyan e.

¹⁵ Mɔna ɛ na kɛɛ e nyi ɔ yɛɛ ɛ kɔlare e ya, ɛ faree e ŋgba ɛ dɔɔ Kristobaale nɛ.

¹⁶ Nɛnɛɛ dɛɛ fane nyi Yesu Kristo ŋon ɔ yɛɛ wosefɛɛɛɛŋ Gbɛŋgyoo e nɛ, waa fa ŋon wosefɛɛɛɛŋ abɔɔ pou man debaŋ kamase na waa kpu na ɛ popou.

¹⁷ Maŋ Pɔɔl gbagba moonaa me nyinmaa ŋmarase nɔkado tone kei mee yelee ŋon nɛ. Mena kenmarase kei te mɛɛ ŋmarase me tɔna pou man lese wola nyi maŋ ŋmarase la.

¹⁸ De Gbɛŋgyoo Yesu Kristo waa mo ɔ bɛɛɛ boele ɛ popou na waa seŋ ɛ wole.

**WURUBURE NOMBIA KPAAKPAA
NŌŌKEBAKESEE WŌLE**
The New Testament in the Delo language of Ghana:
**WURUBURE NOMBIA KPAAKPAA NŌŌKEBAKESEE
WŌLE**

copyright © 2006 Wycliffe Bible Translators, Inc.

Language: Delo

Contributor: Wycliffe Bible Translators, Inc.

All rights reserved.

2025-05-17

PDF generated using Haiola and XeLaTeX on 11 Jun 2026 from source
files dated 17 May 2025
80e9f745-c10c-5e3f-94bb-9d65aa1a1b11